

頻伽大藏經

九洲圖書出版社

《頻伽大藏經》全球編號發行五百套

本書為第二三七號

《頻伽大藏經》重刊委員會

名譽主任：

委

員：

總策劃：

主任：

趙樸初

明暘

惟賢

杜大寧

閻爽

聖輝

隆蓮

王杰

王慧

周紹良

刀述仁

能行

陳兵

古風

吳立民

淨慧

黃心川

李建斌

責任編輯：

學誠

王新

王志遠

閻爽

仁德

牟小東

姚長壽

裝幀指導：

昌明

白化文

呂鐵鋼

李呈修

却西

楊曾文

古風

封面設計：

傳印

李家振

韓可

贊美組

重刊說明

近數年來，隨着東方文化的復興和發展，作為佛教典籍總匯的大藏經倍受矚目。為了滿足佛教界、學術界以及民間的需求，我們經過審慎的考慮和選擇，決定重印這部《頻伽大藏經》。

《頻伽大藏經》全稱《頻伽精舍校刊大藏經》，是一部近代的私版藏經。清末，上海的羅迦陵女士崇信佛教，在自己的花園內設立了「頻伽精舍」，作為弘揚佛法的場所，并于宣統元年禮請江蘇鎮江金山寺的高僧宗仰上人來滬主持《頻伽大藏經》的刊印工作，與其事者，尚有余願船、汪寂明、黎端甫諸人。本藏在編輯過程中充分參考了日本弘教書院的《弘教藏》，經四年的努力，于民國二年刊成，全部費用由猶太富商哈同支付。《頻伽大藏經》用四號活字排印，收錄佛籍凡八四一六卷，一九一六部，綫裝為四一四冊。千字文編號由天字至霜字，共四十函。本藏一

經問世，立即風行海內外，成為近代最為通行的大藏經之一種。

《頻伽大藏經》之所以風行，是和以下特點分不開的：

一、全書為活字印刷，版面整齊劃一。

二、信息量大，收書八千多卷，一千九百多種。

三、有斷句，便于閱讀。

四、綫裝僅四十函，極便庋藏。

為了鄭重其事，我們特地設置了重刊會，恭請佛教界和學術界的高僧大德，志士仁人們共襄此舉。可以說，此項工作是在趙樸初、周紹良、吳立民等佛學前輩以及許多熱心朋友的大力支持和幫助下，開展并完成的，謹在此向他們致以崇高的謝意！我們相信：《頻伽大藏經》的重刊一定會對繁榮祖國的文化事業有所裨益。

需要說明的是，為避免檢校過程中的差錯，保持古書原貌，此次重刊采取影印方式。鑒于《頻伽大藏經》流失民間已近百年，原書已多有破

損，經數年修補，恢復到目前程度已實屬不易，但與重新檢排相比，字迹的清晰度仍略有差距，敬請讀者體諒。

九洲圖書出版社

一九九八年十月五日

頻伽精舍校刊大藏經緣起

昔如來以一大事因緣出現於世。說法四十九年。開示悟入佛之知見。涅槃而後。諸菩薩阿羅漢。衆結集大教。垂爲三藏。靈文昭灼。普利人天。洵希有之盛典也。中國漢明帝時。大法東漸。騰蘭偕來。首譯四十二章。及遺教等經。是爲梵筴流傳。震旦之始。厥後支安諸彥。勇於宏法。譯寫既富。流播益廣。蓋不惟高僧哲士。互標遞顯。卽我女界。如東晉洛陽尼道馨。亦於東寺講法華維摩等經。一時聽者如市。蓋此土文明夙稱最盛。以故智人踵起。無論男女。皆知信樂佛乘。敬禮三寶。有由來矣。魏晉而下。以迄前清。歷代護法之君。亦無不於萬幾餘暇。棲神內典。鐫印藏經。弘敷妙法。後宮妃衆。尤多捐金鑄像。貢珍鏤版。假非神旨淵微。詎能覃敷若是之至乎。自世風日下。道德衰頹。人尙競爭。俗趨詐僞。賢智之士。莫不亟思援手。竊以爲居今之世。欲拯拔澆漓。締造勝因。發忠義之菩提。證金剛之慧果。非我佛之方便善巧。因機逗引。又奚從而措手耶。迦陵祖籍法蘭生長華夏。早失怙恃。迭經憂患。艱苦之餘。頗涉文字。自適恰同氏歐司愛君。矢志勤敏。經營拮据。迄今三十年。節約贏餘。稍稱饒裕。然性樂佛法。雖處塵勞。志慕清淨。邇十年前。始拓基滬濱。做構祇園。營精舍一區。額曰頻伽。蒔花種竹。鑿石引泉。小闢亭池。以娛清暇。誠始願所弗及也。輒思人生世間。如白駒過隙。古云世界如牢。浮生若夢。轉眼報盡。輪迴六道。人世之苦。大抵如斯。故嘗請法天台。詢道浮玉。雖幸畧聞法要。猶自惟障深慧淺。欲求解脫。非得佛慈加被。曷克超三界而證須摩。由是日課彌陀。歸心淨土。頂禮普門。遊心法界。書寫大方廣佛華嚴經。轉讀般若法華楞嚴圓覺維摩諸大乘妙典。惟舊藏經籍。卷帙繁重。檢閱良難。工鉅價昂。在家熏修二衆。尤難購置。每於執卷興望。洋之咨。披函起數寶之歎。稱憾久之。嗣從日本購得弘教書院小字藏經。較之舊刻。頗爲便利。惟字迹過細。高年展閱。未免苦耗目力。爰發宏誓。願輸私財。做弘教本翻印。而字體放大。期於閱者無分老少。咸得親茲照世明燈焉。時我師海外歸來。駐錫頻伽。聞余願言。擊掌譖歎曰。善哉。是真不可思議功德也。慨自佛典湮晦。宗教陵夷。上焉者勤自修而不謀公益。下焉者墮魔外而無所研究。此所以數千年來。佛理不彰。爲世詬病。若得此大藏經流通學界。誠衆生之福田。種因得果。受用無窮。今君能發前人未發之偉舉。將來功成出版。卷帙簡便。字體明朗。雖多至八千餘卷。而裝貯不過四箱。無慮巨剎茅菴。在家出家。皆可隨宜購讀。悉心研究。取發靈明。擴充智慧。增進道德。咸

在斯矣。並亟願力任其事。於是籌措經費。預算工程。及紙墨各項。出版時日。約計十萬金。爲期兩稔。卽堪集事。迺廣延居士大德。開館校印。時已酉冬月也。經始以來。昕夕孳孳。日以觀成爲念。迄今寒暑四易。幸獲告竣。雖中經世變。物價騰貴。核計經費。較前預算。溢出幾倍。終賴我佛宏慈。衆生之福。得成鉅舉。流通十方。報如來之洪恩。副鄙人之私願。而尤賴余外子哈同君。信願俱足。助此經費。自始至終。同心擔荷。併承諸居士大德。協力勤勤。得以告厥成功。所有功德。謹以回向。菩提普願法界衆生。同入無邊華藏莊嚴性海。是則鄙人一瓣心香。永永無盡。以祝萬方者也。中華民國二年三月。頻伽精舍主人迦陵羅詩氏法名大綸熏沐敬述。

頻伽精舍校刊大藏經序

大藏經八千餘卷譯文始漢終元而東方古德著述附焉諸經本以般若發端今從晚明旭大師所定自華嚴始則日本弘教書院所印本也故書文字參錯主以麗藏記其異同校讐之功備矣金山宗仰上人向以禪定塾居退閒愍今之沙門喜離文字而談實相未流猥雜不自墮於啞羊則恣意爲矯亂論聞頻伽舍主久發宏願欲鐫大藏紹隆一乘救茲末世遂傾誠讚歎力任總裁於是發憤庀工重摹是本拮据經營已閱兩載剞劂之業聞將告藏其功可謂偉矣夫牟尼出世人天之師次有馬鳴龍猛無著三大士窮幽體玄發揚勝義蕩蕩乎固無得而稱焉教戒不可以發智故開玄學以導迷玄學不可以見心故依靜慮以求證靜慮不可以接物故廣萬法以應機或乃次之宗教云與基督天方同班高者亦云徒爲倫理斯所謂以牛臚測大海也夫佛陀者譯言覺般若者譯言智瑜伽者譯言相應本所以趣道者爲斷爾炎而證真如豈真覺靈以爲仁義哉徒以大悲觀佛斯已淺矣所證者無境界可言現身者無自依之性故云心佛衆生三無差別亦云佛常在心中說法明以此方老聃之言則衣養萬物而不爲主夫何宗教之封執者乎明其無主故小乘大乘孰爲佛說可以無諍也明其求證故六趣升沈之談苦樂酬業之事可以勿語也余向以三性三無性決擇東西玄學諸有凝滯豁然理解若夫末世緇衣之林窮大失居多遠致而遠近義斯由不習五明疏於文史其過猶小小耳觀今居士長者之流始隨陸王終委蛇以趣佛乘或有比合景教而言博愛大同之趣不然傳合眩人幻術稱以靈智最下者惟言酬報情希福田語皆非量義惟大迷此蓋米齊僧佉之所標落王輔嗣何平叔之所不言況三乘諸大論師乎大懼正法之衰不在謗佛而在昌言宗教轉相隱蔽障惑愈深則圓音或幾乎息矣往者經論不宜學者以寡聞爲懼縮印已成流通始廣然則密意了義佛不自言依義依文定於比量聞熏之土其超然自悟於斯佛涅槃後三千三百八十七年震旦白衣章炳麟序

頻伽精舍校刊大藏經序

佛教爲窮理盡性之教。智周法密。義賸語圓。約示一心。廣詮萬法。涵蓋空有。師表天人。世界典籍。斯爲冠冕。自騰竺西來。華梵轉譯。帝王寮庶。翕然承風。顯正明中。闢迷出苦。奸頑因以革僞。上善依之證真。跨海越洲。漸漬成俗。大矣哉。釋雄之爲化也。迨世趨偷惰。學途就荒。士以窮理盡性爲迂。希世之書。束焉高閣。隨流波靡。紛紛如醉。皇覺興悲。職此由矣。近百年來。世變益亟。遠識之士。莫不思導揚法化。以迴頹俗。第化迹昭垂。具載全藏。部帙繁富。四方罕覩。間有一二緇士。募緣內請。所在需費。動逾萬緡。邇來東國。乃有縮印大藏經之舉。然橐金遠購。多沮於行。歲庚戌。海上頻伽精舍主人。慨紆弘願。校印藏經。屬宗仰上人。經理其事。予聞之。啞然而喜。祝其早克告成。俾有志斯世者。得爭先購讀。以共咀法乳。無上妙味。而窮其中所明吾人迷失本有之真理。及緣起自性之萬法。庶於世間生滅成壞之因果。究知其端緒。有以操扶危起衰。黜邪崇正之善權。蓋天下之悖教也久矣。非迷己以徇物。即失己以蹈空。二者交讎。中道胥失。非夫大覺。嚆克正之。叔師有云。知邪思之自起。故阿含爲之作識。滯有之由惑。故般若爲之鑒。聖人哀憫羣生。無微不至。要在學者之善會耳。洪惟我國佛教之隆。莫先於晉。士夫好學深思。窮研心理。感彼西哲。聯袂偕來。學泯町畦。情忘畛域。爾乃圖澄密行。揚覺華於戈戟之林。道安清範。植慧根於饑歉之世。逮夫羅什諸德。振錫渭濱。開方等出楞嚴。顯菩提宏般若。繹三論。頒五禪。敷妙蓮。陳梵網。左挹成實。右領婆沙。耀文殊之珠表。普賢之相。彰慈氏之受決。讚彌陀之度生。於時曇影疏其中觀。道生申其頓悟。東林則專修安養。青眼則嚴護毗尼。華嚴敦海。覺賢譯其文。涅槃地持。曇摩發其秘。溯彼法流。汪洋泓演。歷宋齊梁陳。魏周齊隋唐。迄吳越遼宋元明。以至於清。若成實若俱舍。若淨土若般若。若智論三論。若法華涅槃。若地論若攝論。若唯識若華嚴。若真言若律若禪定。若牛頭若曹溪。若臨濟。若仰曹洞雲門。法眼諸宗。與夫高句麗之所傳。日本之所述。南海西洋各邦之所授受。無不導源於是時者。正如耨池八水。派別萬川矣。彼其人類。皆學窮根柢。確守師傳。一義未達。尋之無窮。一疑莫釋。參之衆肆。故能探奇抉奧。發幽闡微。各振精思。競標新諦。帝后欽其師範。靈祇彰以殊應。其談心識也。則洞達性源。其示行相也。則備詮萬德。其析物質也。則辨極隣虛。其衍法數也。則引而至於不可說。洵所謂大無外小無內。窮三際遍十方者矣。佛以一圓音演說妙法。歷代宗師。紹承申繹。

名理與義日新不窮。隋唐而下。闢途尤衆。所以廣建法幢。啓靈關而膺衆生之諮求者。殆源源而無已。雖其間名樹義宗。或正授或別傳。或顯或密。有種種之殊態。迹其大權妙用。異派分流。要無非趣入一佛教海。聖智出世。應衆生根。而爲說法。亦各因其時耳。或疑我國今日大教久衰。加以公私匱乏。殆難望其興復。夫法運通塞。係乎人心。心佛相感。互爲因緣。因緣會合。事乃成辦。矧如來具異方便。力際困窮。約急之世。安見遂無善法。以施此衆生。與淨名謂優鉢羅華之生。乃在沮洳淤泥之地。賢豪達人。何世蔑有。庸知羅什慧遠等之偉烈。劉遺民雷仲倫諸老之遺軌。當來法衆。不更有相什伯千萬而張大之者乎。方今羣學鼎新。衆流交匯。幸得此大教。以綱維萬彙。而我輩既生宏法之國。又值有大德校印。以供購請。此較諸先世古老。其緣會洵稱殊勝。我國縑素。誠共奮其龍象之力。將此一大藏教。精研密證。彼歐美三十年來。哲學人士之所攷述。不將待折中於我國。與赫赫神州。占佛教旁敷最早之名譽者。垂三千祀。耆宿俊髦。咸所聞見。寧可不共尋芳。躋高據勝。流以維持此世運哉。頻婆娑羅有言。天上天下。無如佛。十方世界。亦無比。世間所有。我盡見。一切無有如佛者。誠以窮理盡性。無美不備。夫豈第濟屯出否。有益於一時一方而已耶。然而未臨滄海。疇知水性之深。不登須彌。詎識坤輿之大。今欲窮世出世間名理之淵府。誠無出乎周覽全藏者矣。若夫達識明心。卽事證性。是在入華屋者。自具全權。又奚俟予之贅言哉。予歸田之明年。而上人問序於予。因書此以諭世之請經者。佛涅槃後三千三百八十七年。嘉興沈曾植序。

頻伽精舍校刊大藏經序

虞山宗仰禪人以諸佛法身託諸文字般若故如來應世恒重持經法師欲慧命之不斷故也頻伽精舍主人慨末法之衆如入昏迷冒長夜於是發願校刊大藏經以其事屬之宗仰斥財十數萬經始三年而全藏告成不惠與亡友吳縣余同伯居士嘗於此役粗著一日因緣發端之初吾兩人嘗以楊大年吳用先自況（傳燈錄成於道原而裁定於楊大年紫柏尊者之刊徑山藏桐城吳用先實始終爲之靈力）不幸同伯中道恒化未竟厥事不惠又方困於塵勞不獲委身致命方諸楊吳二哲深有慚色今於全藏畢功之時特據善念質於四衆曰昔世尊說法於三藏所示則曰隨類現身皆爲實相於最末後一著拈花示衆迦葉微笑則曰觸物明心單傳直指（此慧山語）凡斯正脈法眼先後皆傳東土悉歸極於脂那因緣和會有可得而言者蓋自三聖不作內聖外王之道遂爲世儒所裂咸執所有爲不可加崑瑣贅容而皆不足以合大衆輔世牖民之權幾於失墜人拘私畛學欠圓通性命之原久鬱斯發以故圓音一演有感即應若函受蓋兩相契合歷漢魏六朝隋唐以抵宋明萬方歸元如昏得炬者此也夫道源不遠性海匪遙但向己求莫從他覓自昔宗匠示人以入道樞要者往往標指斯途開其嚮上之路實則是猶人天小果初非眞照無邊而今妄人猶或等佛於耶回諸教又或視爲哲理儕諸科術詎知常住妙明了無一物窮極宇宙而不見其本剝離絕生滅名相而復無乎不攝無所不賅互三界而獨尊絳萬古而無對人道資糧曾莫有加於佛者也豈得以同量之明爲逆億哉晚近龍象不興印幢莫屬卮言側出淆亂正聽揆厥由來已非一日距今二十年前金陵松巖法師肇析相宗嘗謂歷代佛教唐爲極盛於時宗師法將蓋莫不向小乘一轉者故俱舍法相諸論實爲其時梯航他日佛教中興必宜先植其基於相宗之上乃可歷劫不壞此篤論也時值天演論初流此土常識觀之輒謂佛受其摧矣師特爲之解曰此於意識攻取中而求一立一破者也赫胥黎之知見僅僅如是彼自困於方隅於佛法貌無增損未幾民約論續來常識觀之欣然以爲有當平等之趣將與佛法傳麗而興師又爲之解曰此緣前境之幻影而生其心復以成心爲師欲執一法臨馭一切者也不悟境緣既寂成心亦幻虛棧蓬心未化其於佛法尤無增損當時聞者疑詫交作不惠於言下若有領悟亦莫明其所以由今觀之不既可信矣乎當時藩籬初撤於遠西學術莫知涯岸而師稱性以談了

了洞徹如是。誠以玄纔滌除。不憑名相。故能摧碎虛空。隨機輒解。此固東土不傳之心法。無上之至道。誠足亭毒萬有。虛牟兩間。惜師未臻中壽。遽以英年示寂。生平未嘗建法幢樹道場。以故人之飲其醍醐者。未能盡極揚詡之量也。今卽其言以參究之。甚可以覘法運之將踵興矣。揆盛衰之所由。而相時因應。此生今世者。所有事也。當晚唐五代學者樂宗門簡易。前此三論十二宗之遺緒。憚於鈎理。欲待金枝一粒。供徧十方。有上達而無下學。故其失也。誠不免於風光狼籍。重以烽火重遭。衆經存諸燬燼。所謂法滅天人憂者。正此時也。有宋之世。曹溪法乳日即。滲洄僅賴臨濟門庭。張皇棒喝。與唐絮較。昇墜殊科矣。由是剖符銷印。頗多號令。自便之渠。魁閣慧燈。不絕如縷。雖以大慧之雄猛高峻。寂音之文高義瞻。鐔津之孤亢。衛宗長水之弘機。廣應幾見清涼。永明盛軌。然而教廣文縉。道因榮華而轉隱矣。胡元一代。依傍番僧。釋道淆雜。甚至摸金掘墓。亦出繇林。稍能自振遺緒者。惟少室之洞上新宗顯密雙融衣鉢。縣永至明大章而復中興其緒。然則雪廷禪師。固猶南嶽青原也。有明之初。椎鼓復震。獅絃重響。別峯楚石。無念徧融。笑巖東園。暹理大方。印宗無盡。大安諸大德。接武踵起。亦竟局於宗風。但整中峯已輟之席而已。且因宗教分庭。爲世既久。所謂禪爲佛心。教爲佛口者。兩家互呵。相持不下。以圭峯之調劑。殊無所補。明初諸老。頗有並驅禪教之志。洪武三年。詔集高僧於金陵。天界稱制。立教厥有三門。一曰禪。重明心見性也。一曰講。又稱義學。播演靈文也。一曰瑜珈。拔濟幽冥也。厥初講者。多有尊宿高踞華座。南北延繹。未嘗歇絕。明初諸老。率多當時顯名講席者也。中葉以後。禪道大興。法界豪傑。挺出。撈攬性海。頓見大地光明。時則有若雲谷紫柏。憨山高。原妙峯。雪浪雲棲。爲山。滿益。古亭。守愚。法舟。朗目。素庵。幻休。瑞光。月心。大千。諸大師。皆以雄猛之資。乘時崛起。肩擔背荷。赫然有人。天儀表存焉。而憨山滿益。數公頗思爬梳法相。再緝慈恩。墜緒顧因義翳久湮。甄陶無自。竟難昌大。然其一時薰被。頗令居士宰官。鍊身爐錘之下。九死而不少悔。其效亦宏遠也。明亡以後。法門寥落。惟有瑜伽遺派。詭時徇俗。以求口食。每下愈況。外此則惟雲棲滿益之餘裔。與臨濟之末流。隨順菩提。激揚滯業。相引以至今茲而已。方滿清建州肇造之際。既擲龍虎將軍斗印。便有覬覦八表之志。於時提掇蒙藏。利其教而愚其人。冀以堅牢其臣僕。然既挾以政畧。益見隆污異途。迨及宇內安寧。清之世宗好行小慧。得聞法華餘緒。遽自以爲叅透三關。隱然欲爲法主。然而瓦缶之量。聚瓶之智。自居無諍。而我相實存。觀其所

爲文筆著者固縛著無者亦迷。至挾萬乘之威。以與叢林較長比短。恣爲予奪。斯尤自墮魔外。爲大智所同憫。故雖自標圓明。清世宗自號圓明居士。築圓明園。咸豐間爲英兵所毀。刊布四體文字龍藏。思藉金谷梵夾之神。護其子孫萬世之業。而其亡也忽焉。由斯以觀佛法之由盛之衰。其故大可知矣。今欲振遺教而更新之。首宜倡導慈恩。孤宗與俱舍成實中百十二門起信大智度諸論夾輔培植論師。以立弘教之原。此今緇門應爲之一大事也。仄側美德英法之士。連銜並轡。赴鷲嶺求靈文者。先後不絕。今五印貽留。僅有小乘彼中所獲。雖未可與此土保存比並。而語要之環端一轉。必見大乘復興。默窺時節。應自不遠。是則震旦爲三藏舊度之邦。聖賢肇生之地。安可遺棄大任。弁髦記荊乎哉。頻伽精舍刊經。起於前清末葉。深心擔荷。實欲垂救沈淪。重張正法。一此緣起中語。一剖晰未竟。而中華新國赫然成立。因緣萃會。尤非淺細。從此羣機廣被。萬法俱融。陶淑太和。消除災眚。以造世間人倫之福者。皆將於是經之敬信受持者而卜之矣。中華民國二年一月寂照居士歙縣汪德淵撰。

